

Helt, Sefti, Envaeromen & Komuniti (HSEK) Polisi



Long Blue Scope, mifala i kea mo i tinghae long Helt, Sefti, Envaeromen mo Komuniti long wei we mifala i mekem bisnis, mo mifala wanwan i faswan blong soem eksampol long saed ya.

Blong sapotem Stamba Tingting Blong Mifala, Mak Blong Mifala mo mekem i laenap wetem ol rul blong 'Hao Mifala i Wok,' mifala i traehad long saed blong:

Helt, Sefti & Envaeromen

- Mekem se ples blong wok i tinghae mo akseptem ol defren kaen man mo tingting, mo mekem tu se ol kastoma, ol kontrakta, mo ol saplaea blong mifala, mo ol komuniti, oli harem save se mifala i tinghae mo akseptem olgeta tu
- Mekem ples blong wok i sef mo ol rul blong wok i no strong tumas, nao ol wokman oli save harem gud mo oli no kasem aksiden taem oli wok, o sik, mo blong no spolem envaeromen mo ol komuniti
- Stopem ol samting we oli save kosem aksiden mo katem daon ol denja we i save kamaot from wok, prodak, mo seves blong mifala
- Traehad blong kasem mak ya se i no mas gat wan i kasem wan bigfala kil o i sik bigwan
- Yusum ol tul mo masin blong mifala long wan fasin we i no mekem polusen, mo katem daon nogud samting we i save kamaot from wok, prodak mo sevis blong mifala, nao i spolem enviromen.

Komuniti

- Rispektem kastom mo kalja blong ol komuniti
- Stap olsem wan gudfala bisnis blong manples we i wok gud wetem ol komiuniti blong givim wok, mo givhan long laef mo ekonomi

Aksen We Mifala i Tekem

Blong mekem tingting blong mifala long saed blong HSEK i kam tru, bambae mifala i:

- Mekem se evriwan long ples blong wok oli kea mo givhan long olgeta, blong mekem se oli harem gud mo gat wan gudfala helt
- Stap olsem ol gudfala lida, lukaotem ol advaes, mo pulum ol wokman blong mifala mo ol intenal no ekstenal stekholda blong givim tingting blong olgeta tu
- Tokbaot mo kamaot klia long ol tingting, blong givhan long mifala blong mekem ol resposibiliti blong mifala long saed blong HSEK
- Mekem se wok blong HSEK i laenap wetem fasin blong mekem bisnis, mo faenemaot wijwan wokman i wiling mo i gat abiliti blong mekem ol wok we i denja, be long semtaem setemap mo monitarem mo makem ol tingting mo mak we mifala i wantem kasem
- Givimaot ol stret infomesen mo trening blong HSEK, traehad blong kam gud moa long sam wok mo fasin blong mekem ol gudfala disisen, mo semtaem mekem se ples blong wok i kam ples blong lanem samting tu
- Gohed blong impruvum pefomens blong mifala long saed blong HSEK mo sapotem ol manejem sistem, mo lukluk tu long ol risk mo ol opotuniti long saed blong HSEK, mo aplaem mo sapotem ol fasin, rul mo disisen we oli stanemap, blong save kontrolem ol denja we i save hapen
- Folem ol loa mo ol narafala bisnis rikwaemen

Mifala i tinghae long fasin ya blong wok wetem ol defren man, mo enkarejem ol wokman blong serem ol tingting. Mifala i pulum ol wokman blong oli talemaot eni samting we oli luk se i no stret.

Our Purpose
Our Bond

SpeakUp!)